

## Schmelzer vnd Ab- treiber Eydt.:

**I**ch N. Schwere / der Römischen / auch zu Hungern  
vnd Behem zc. K. M. May. zc. meinem Allergne-  
digsten Herrn / vnd an stat ihrer May. derselbigen  
Hauptman oder Verwalter / so ieder zeit von Ihrer  
K. M. in Sant Joachimsthal / verordnet wer-  
den / getrew vnd gewertig sein / Ihrer K. M. vñ  
Gemeynes Bergkwercks besten fürdern / vñ sonderlich meinen dienst  
mit schmeltzen trewlich / vleissig / genug thuen / zu mehrung K. M.  
May. Zehenden vnd der Gewercken nutz / mit meiner Arbeit besten  
vleis fürwendē / darin gar kein gefar noch betrug vben / oder imants  
zuthun wissentlich verbengen / Dochgedachter K. M. Ord-  
nung / inn allem das mir darinnen zuthuen eingepunden ist / vñ st-  
gklich halten / keines nutzses oder genießs dann souiel mir zugelassen /  
vnd veordnet ist / inn dem allen gewarten / mich auch keinerley nutz /  
gab / gunst / freuntschafft / oder feindschafft darnon bewegen lassen /  
sondern / wil dem allen / nach meinem höchsten vermügen / genug  
thuen / getrewlich vnd vngefehrlich / Als mir Gott helff zc.

## Marscheyder Eydt.:

**I**ch N. Schwere / der Römischen / auch zu Hungern  
vnd Behem zc. K. M. May. zc. meinem Allergnedigstem  
Herrn / vñ an stat Ihrer May. derselbigen Hauptman  
oder Verwalter / so ieder zeit von Ihrer May. in Sant  
Joachimsthal / verordnet werden / Nachdem ich zu  
einem verordneten Marscheyder bin zugelassen vnd an-  
genohmen worden / Das ich Dochgedachter K. M. Ord-  
nung getrewlich wil halten / vnd mich einen ieden zu seiner notturfft  
gutwillig gebrauchen lassen / Doch keinen gemeynen Zugt Wehr-  
zugt oder verlornenzugt / an vorwissen vñ willen / des Hauptmans  
Verwalter vnd Bergkmeisters thuen / Vnd so ich dieselben / auff  
berurte nachlassung thuen würde / das ich darinnen keinen betrugt  
vben / noch cynichen genießs oder nutz suchen / auch niemands mit  
vnspfleglichem Lone vbersetzen wil / Wo sich aber iemands deshal-  
ben vber mich würde beschweren / so sol dieselbe meine belohnung  
auff des Herrn Hauptmans / Verwalters vñ Bergkmeisters mes-  
sigung stehen / Trewlich vnd vngefehrlich / Als mir Gott helff zc.  
Probieter